

vel vnam tantum partem, vel plures eodem tempore. Sic calefaciunt caput vinum de beronica, roremarino, stoechade, saluia. Oculis prodest vinum ex euphrasia: Cor ipsum, vinum de borragine, melissa, vinum aromaticum, quod Hippocraticum dicitur. Thoracem vinum ex hyssopo, vel marrubio albo, vel enulæ radice. Ventriculum, vinum absynthii. Hepar, vinum chamædreos. Lienem, tamarisci. Renes & vesicam, vinum alkekengi vel saluiæ. Alia vero secunda qualitate alterant adstringendo, vt vinum rosaceum, vinum è punicis, vel ex pyris vel prunis syluestribus. Sudorem prouocant vinum guaiacum. Venenis resistit, vinum zedoariæ, de quibus & Diosc. lib. 5. & Arnoldus de Villanova.

Quæ vero purgant, vel expurgant humorem simplicem, vel mixtos. Simplicem, vt bilem flauam, vinum scammonites: bilem atram, vinum ex helleboro nigro: pituitam vinum squillicum apud Galenum: Vel aquam, vinum è granis ebuli & chameleæ, vel thimeliæ ex Dioscoride.

Parari autem poterit vinum absynthites aquas purgans hoc pacto:

℥. Summitat. absynthii, cardui benedicti, an. p. ℥.
agrimon. chamedr. an. p. i.
brassica marin. p. ℥.
folior. sennæ diligenter à stipitibus mundat.
℥ ij.
rad. ireos florent. ℥ j.
radic. asari, mechoaca albiss. ononidis an.
℥ ℥.

I 4

calami